

შპს გურამ თავართქილაძის სახელობის თბილისის სასწავლო
უნივერსიტეტის რექტორის

ბრძანება № 01-01/11

თბილისი

“21“ თებერვალი 2022 წ.

აკადემიური და პროფესიული ნიშნით აკადემიური თანამდებობის დასაკავებლად კონკურსის
გამოცხადების შესახებ

„უმაღლესი განათლების შესახებ“ საქართველოს კანონის 34-ე, 35-ე მუხლების, შპს გურამ თავართქილაძის სახელობის თბილისის სასწავლო უნივერსიტეტის დებულების მე-10 მუხლის 10.6 პუნქტის „ზ“ ქვეპუნქტის, 43-ე და 46-ე მუხლების, უნივერსიტეტის წესდების მე-5 მუხლის 5.6. და 5.7. პუნქტების, აკადემიური და მოწვეული პერსონალის შერჩევის წესის მე-2 თავის თანახმად, ბიზნესისა და სოციალური მეცნიერებების ფაკულტეტის დეკანის წარდგინებისა და ბიზნესისა და სოციალური მეცნიერებების ფაკულტეტის საბჭოს სხდომის 2022 წლის 17 თებერვლის ოქმი N4 ამონაწერის საფუძველზე

ვ ბ რ ძ ა ნ ე ბ

1. 2022 წლის 21 თებერვლიდან გამოცხადდეს ღია კონკურსი აკადემიური და პროფესიული ნიშნით აკადემიური თანამდებობების (პროფესორი, ასოცირებული პროფესორი, ასისტენტ-პროფესორი) დასაკავებლად სასწავლო უნივერსიტეტის ბიზნესისა და სოციალური მეცნიერებების ფაკულტეტის ბიზნესის ადმინისტრირების ინგლისურენოვან საბაკალავრო პროგრამაზე დეტალური სფერო - ბიზნესის ადმინისტრირება.
2. კონკურსი გამოცხადდეს შემდეგ აკადემიურ თანამდებობებზე:
 - ა) აკადემიური ნიშნით
პროფესორის - 3 ვაკანსია
ასოცირებული პროფესორის - 4 ვაკანსია
ასისტენტ პროფესორის - 3 ვაკანსია
 - ბ) პროფესიული ნიშნით აკადემიურ თანამდებობებზე
ასისტენტს - პროფესორის - 2 ვაკანსია
3. აკადემიური ნიშნით კონკურსში მონაწილეობის მისაღებად, კონკურსანტმა უნდა დააკმაყოფილოს შემდეგი საკონკურსო კრიტერიუმები:
 - 3.1. პროფესორის აკადემიური თანამდებობისთვის:
 - ა.) დოქტორის ან მასთან გათანაბრებული აკადემიური ხარისხის მქონე პირი, რომელსაც აქვს სამეცნიერო-პედაგოგიური მუშაობის არანაკლებ 6 წლის გამოცდილება;
 - ბ) პირი, რომელსაც შესაბამისი სასწავლო კურსების თემატიკის მიმართულებით გამოქვეყნებული (ბოლო 5 წლის განმავლობაში) აქვს სამეცნიერო პუბლიკაციები ან არის მათი თანაავტორი;
 - გ) პირი, რომელსაც აქვს შესაბამისი სასწავლო კურსის (სილაბუსის) შემუშავების გამოცდილება;

3.2. ასოცირებული პროფესორის აკადემიური თანამდებობისთვის:

- ა.) დოქტორის ან მასთან გათანაბრებული აკადემიური ხარისხის მქონე პირი, რომელსაც აქვს სამეცნიერო-პედაგოგიური მუშაობის არანაკლებ 3 წლის გამოცდილება;
- ბ.) პირი, რომელსაც შესაბამისი სასწავლო კურსების თემატიკის მიმართულებით გამოქვეყნებული (ბოლო 5 წლის განმავლობაში) აქვს სამეცნიერო პუბლიკაციები ან არის მათი თანაავტორი;
- გ.) პირი, რომელსაც აქვს შესაბამისი სასწავლო კურსის (სილაბუსის) შემუშავების გამოცდილება.

3.3. ასისტენტ-პროფესორის აკადემიური თანამდებობისთვის:

- ა) დოქტორის ან მასთან გათანაბრებული აკადემიური ხარისხის მქონე პირი;
- ბ) პირი, რომელსაც აქვს შესაბამისი სასწავლო კურსის/კურსების თემატიკის მიმართულებით გამოქვეყნებული (ბოლო 5 წლის განმავლობაში) სამეცნიერო პუბლიკაცია/პუბლიკაციები ან არის მათი თანაავტორი;
- გ) პირი, რომელსაც აქვს შესაბამისი სასწავლო კურსის (სილაბუსის) შემუშავების გამოცდილება.

4. პროფესიული ნიშნით კონკურსში მონაწილეობის მისაღებად, კონკურსანტმა უნდა დააკმაყოფილოს შემდეგი საკონკურსო კრიტერიუმები:

4.1. ასისტენტ-პროფესორის აკადემიური თანამდებობისთვის:

- ა.) არანაკლებ მაგისტრის აკადემიური ხარისხი;
- ბ) არანაკლებ 3 წლის სამუშაო გამოცდილება შესაბამის დარგში (პრაქტიკული მოღვაწეობის შინაარსი შესაძლებელია, დაკონკრეტდეს პროგრამის თავისებურებიდან გამომდინარე);
- გ) პუბლიკაცია შესაბამისი მიმართულებით (გამოქვეყნებული ბოლო 5 წლის განმავლობაში) ან უმაღლეს საგანმანათლებლო დაწესებულებაში პედაგოგიური საქმიანობის არანაკლებ 1 წლის სამუშაო გამოცდილება.

5. აკადემიური ნიშნით კონკურსანტმა საკონკურსოდ უნდა წარმოადგინოს შემდეგი დოკუმენტაცია:

- ა) განაცხადი კონკურსში მონაწილეობის მისაღებად შესაბამისი დარგისა და აკადემიური თანამდებობის მითითებით, სასწავლო უნივერსიტეტის მიერ შემუშავებულ ფორმატში.
- ბ) ავტობიოგრაფია (CV) (ელექტრონული ან/და ბეჭდური ფორმით), სასწავლო უნივერსიტეტის მიერ შემუშავებულ ფორმატში.
- გ) პირადობის დამადასტურებელი დოკუმენტის ასლი;
- დ) კვალიფიკაციის დამადასტურებელი საგანმანათლებლო დოკუმენტის/დოკუმენტების ასლები (უცხოეთში მიღებული განათლების შემთხვევაში განათლების აღიარების დამადასტურებელი დოკუმენტი);
- ე) პედაგოგიური გამოცდილების დამადასტურებელი დოკუმენტაციის ასლები;
- ვ) საკონკურსო თანამდებობის/დარგის ადეკვატური სამეცნიერო ნაშრომები, ან მათი ასლები (გამოქვეყნებული ბოლო 5 წლის განმავლობაში);
- ზ) შესაბამისი სასწავლო კურსების/კომპონენტის სილაბუსები (ელექტრონული ვერსია);
- თ) ინგლისური ენის ფლობის დამადასტურებელი სერტიფიკატი ან/და ინგლისურ ენაზე სალექციო კურსის განხორციელების დამადასტურებელი ცნობა უსდ-ში.
- ი) ცნობა ნასამართლობის შესახებ („უმაღლესი განათლების შესახებ“ საქართველოს კანონის 32-ე მუხლის მე-2 პუნქტის თანახმად, უმაღლეს საგანმანათლებლო დაწესებულებაში არ შეიძლება დასაქმდეს „სქესობრივი თავისუფლებისა და ხელშეუხებლობის წინააღმდეგ მიმართულ დანაშაულთან ბრძოლის შესახებ“ საქართველოს კანონით გათვალისწინებული

სქესობრივი თავისუფლებისა და ხელშეუხებლობის წინააღმდეგ მიმართული დანაშაულის ჩადენისთვის ნასამართლევ პირი ან/და პირი, რომელსაც იმავე კანონის საფუძველზე სასამართლომ ჩამოართვა საგანმანათლებლო დაწესებულებაში საქმიანობის უფლება).

6. პროფესიული ნიშნით კონკურსანტმა საკონკურსოდ უნდა წარმოადგინოს შემდეგი დოკუმენტაცია:

- ა) განაცხადი კონკურსში მონაწილეობის მისაღებად შესაბამისი დარგისა და აკადემიური თანამდებობის მითითებით, სასწავლო უნივერსიტეტის მიერ შემუშავებულ ფორმატში.
- ბ) ავტობიოგრაფია (CV) (ელექტრონული ან/და ბეჭდური ფორმით), სასწავლო უნივერსიტეტის მიერ შემუშავებულ ფორმატში.
- გ) პირადობის დამადასტურებელი დოკუმენტის ასლი;
- დ) კვალიფიკაციის დამადასტურებელი საგანმანათლებლო დოკუმენტის/დოკუმენტების ასლები (უცხოეთში მიღებული განათლების შემთხვევაში განათლების აღიარების დამადასტურებელი დოკუმენტი);
- ე) პროფესიული გამოცდილების დამადასტურებელი დოკუმენტები;
- ვ) ინგლისური ენის ფლობის დამადასტურებელი სერტიფიკატი ან/და ინგლისურ ენაზე სალექციო კურსის განხორციელების დამადასტურებელი ცნობა უსდ-ში;
- ზ) ცნობა ნასამართლობის შესახებ („უმაღლესი განათლების შესახებ“ საქართველოს კანონის 32-ე მუხლის მე-2 პუნქტის თანახმად, უმაღლეს საგანმანათლებლო დაწესებულებაში არ შეიძლება დასაქმდეს „სქესობრივი თავისუფლებისა და ხელშეუხებლობის წინააღმდეგ მიმართულ დანაშაულთან ბრძოლის შესახებ“ საქართველოს კანონით გათვალისწინებული სქესობრივი თავისუფლებისა და ხელშეუხებლობის წინააღმდეგ მიმართული დანაშაულის ჩადენისთვის ნასამართლევ პირი ან/და პირი, რომელსაც იმავე კანონის საფუძველზე სასამართლომ ჩამოართვა საგანმანათლებლო დაწესებულებაში საქმიანობის უფლება).

7. კონკურსის ეტაპები

- ა) კონკურსის პირველ ეტაპზე ხდება კონკურსანტთა მიერ წარმოდგენილი დოკუმენტაციის საკონკურსო განაცხადით დადგენილ მოთხოვნებთან შესაბამისობის შემოწმებას.
- ბ) კონკურსის მეორე ეტაპზე ტარდება გასაუბრება, რას შეიძლება მოიცავდეს კონკურსანტის მიერ საჩვენებელი ლექციის ჩატარებას.

8. კონკურსის შედეგების გასაჩივრების წესი

- ა) აკადემიურ კონკურსში მონაწილე კონკურსანტი უფლებამოსილია საკონკურსო კომისიის გადაწყვეტილება გაასაჩივროს გადაწყვეტილების ვებგვერდზე გამოქვეყნებიდან სამი სამუშაო დღის ვადაში.
- ბ) საჩივრებს განიხილავს რექტორის ბრძანებით შექმნილი სააპელაციო კომისია, დამტკიცებიდან ხუთი დღის ვადაში.

9. კონკურსის ვადები

- ა) ღია კონკურსი ცხადდება 2022 წლის 21 თებერვლიდან 25 მარტის ჩათვლით.
- ბ) საბუთების მიღება იწარმოებს 2022 წლის 28 მარტიდან 01 აპრილის ჩათვლით.
- გ) კონკურსის პირველი ეტაპი საბუთების გადარჩევა ჩატარდება 2022 წლის 4-5 აპრილს.
- დ) კონკურსის მეორე ეტაპი საკონკურსო კომისიასთან გასაუბრება ჩატარდება 2022 წლის 6 - 7 აპრილს (გასაუბრების ზუსტი თარიღი და დრო კანდიდატს ეცნობება კონკურსის პირველი ეტაპის გავლის შემდეგ).

- ე) კონკურს გავლილ მონაწილეთა სია გამოქვეყნდება 2022 წლის 8 აპრილს.
- ვ) სააპელაციო განაცხადები მიიღება 2022 წლის 11,12,13 აპრილს.
- ზ) სააპელაციო განაცხადების განხილვა ჩატარდება 2022 წლის 19 აპრილს.
- თ) კონკურსის საბოლოო შედეგები გამოქვეყნდება 2022 წლის 20 აპრილს.

- 10. დაევალოს საზოგადოებასთან ურთიერთობისა და მარკეტინგის სამსახურს აღნიშნული ბრძანების შესახებ განცხადება გამოაქვეყნოს სასწავლო უნივერსიტეტის ვებგვერდზე
- 11. დაევალოს ადამიანური რესურსების მართვის სამსახურს კონკურსის შესახებ ინფორმაციის გავრცელება დასაქმების ვებგვერდზე.
- 12. ბრძანება ძალაშია ხელმოწერისთანავე.
- 13. ბრძანება შეიძლება გასაჩივრდეს კანონმდებლობით დადგენილი წესით გაცნობიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (მის.: ქ. თბილისი, დავით აღმაშენებლის ხეივანი №64).

შპს გურამ თავართქილაძის სახელობის
თბილისის სასწავლო უნივერსიტეტის

რექტორი, პროფესორი
გიორგი მათიაშვილი

აღმასრულებელი დირექტორი
ელისო ელისაშვილი

